



ATASSUT INATSISARTUNI

ATASSUT

UKA 2013/29-1

Gerhardt Petersen

15.10.13

**Inoqutigiit isertitaasa annertussusaat aallaavigalugu utoqqalinersiat
ilanngaateqartinneqartarnerisa atorunnaarsinnejarnissaa siunertalarugu Utoqqalinermi
pensionisiat pillugit Inatsisartut peqqussutaat nr. 3, 7. maj 2007-imeersup Naalakkersuisut
kingusinnerpaamik UKA14-mi allanngortitsinissaat pillugu Inatsisartuni
aalajangiiffigisassatut siunnersuut.**

(Inatsisartunut ilaasortaq Kristian Jeremiassen, Siumut)

Siumut sinnerlugu Inatsisartuni ilaasortap Kristian Jeremiassen-ip matumani siunnersuutigaa
inoqutigiit isertitaasa annertussusaat aallaavigalugu utoqqalinersiat ilanngaatigineqartarnerisa
atorunnaarsinnejarnissaa siunertalarugu utoqqalinermi pensionisiat pillugit Inatsisartut
peqquussutaata allanngortinneqarnissaanik Naalakkersuisut peqquneqassasut.

ATASSUT-mit pingartilluinnarpalput Kalaallit Nunatsinni utoqqartatta toqqissismallutik
iniuneqarnissaannut inatsisitigut sinaakkutaritinneqartut inatsisitigullu qulakkeersimaneqartut
pitsaanerpaat tunngavigineqarnissaat isumannaassallugu.

Ilaatigut inissaaleqinerup kingunerisaanik allamilluunniit pissuteqartumik utoqqaat nunatsinni
arlalippasuit kinguaaminik ilaqtuttaminik allaallumi nalunngisaminnik inisimasoqartarput,
utoqqaallu ilaat suli sulisumik aappaqarnermikkut illoqatigiit isertitaat killiliussamik
qaangiimineraangata utoqqaat utoqqalinersiaminnik ilanngartuunneqalertarput.

Ajornartorsiut iluarsivigineqartariaqartoq ATASSUT-mit isumaqarpugut, taamaattorli aamma
innersuussutigissavarput Naalakkersuisooqatigiinnermi isumaqatigiissut naapertorlugu Nunatsinni
utoqqartatta atugarisaasa pitsangorsaavigineqarnissaannik sulissuteqarnissamik timalersuiniarneq
aallartereersoq, taamaammat siunnersuuteqartup siunnersuutaanut Naalakkersuisut naapitseriarnerat



ATASSUT INATSISARTUNI

ATASSUT-mit ilaleratsigu matumuuna allannguutissatut siunnersuutigineqartoq aallaavigalugu
sulineq ingerlaqqissinnaaqquullugu ATASSUT-mit inassutigissavarput siunnersuut
Naalakkersuisullu allannguutissatut siunnersuutaat aappasaaneerinninnginnermi Inatsisartut
Ilaqtariinnermut Ataatsimiitaliaanut suliassanngortinneqassasoq.